



UNMIT komemora hodi marka aniversáriu rai-nakadoko iha Haití



» UNMIT Photo/ Martine Perret

Loron 13 fulan-Janeiru, Misaun Integradu Nasoins Unidas nian iha Timor-Leste ka UNMIT marka tiha ona aniversáriu ba dahuluk hodi fó omenajen ba vítima-sira ne'ebé mate tanba rai-nakdoko iha Haití. RESJ NU, Ameerah Haq fó omenajen ba sira ne'ebé

mate, kanek no uma-laiha, nomós rekoñese komitmentu no kompaixaun ba sira hotu ne'ebé maka involve tiha ona iha esforsu sokorru emergjénsia nian. Kuaze Pesoál NU na'in-100 iha Timor-Leste mak tuir aniversáriu ne'e. Rai-nakdoko ho nia eskala 7.00 hodi sobu aat Haití, afirma ho estimasaun ida katak hamutuk ema na'in- 300,000 mak mate inklui pesoál nain-102 hosi NU nian.

Ain-Tanan nia Mehi

// Ain-tanan nia Mehi", filme ida-ne'ebé halo hosi direktór Súl Koreanu ida, Kim Tae-kyun, konta istória ida kona-ba ekipa futbolista foin-sa'e Timor-Leste nian. Konsellu Filme Koreanu nian aprezenta tiha ona filme ne'e ba nomeasaun prémiu Oscar tinan 2011, ba filme ho lian estranjeru ne'ebé di'ak liu.

Filme ne'e kó'alia kona-ba futbolista Koreanu nian ida ne'ebé ho esforsu dalabarak ona hahú hala'o ninia negosiu iha Indonézia, deside hodi mai iha Timor-Leste

ne'ebé nia sai tiha hanesan treinadór ba grupu tebe-bola foin-sa'e sira.

Diretór Kim Tae-kyun ninia filme "atravesa", halo iha tinan 2008, mós submete tiha ba konsiderasaun prémiu Oscar nian.

Filme "Ain-tanan nia Mehi" eskolla tiha ona hosi Konsellu Filme Koreanu nian hosi grupu filme neen.

Prémiu Oscar ne'e sei realiza iha loron 27 fulan-Fevereiru tinan 2011. ne'e nu'udar filme ida husi neenulu-resin-neen ne'ebé klasifika tiha ona ba kategoria Filme ho Lian Estranjeiru ba prémiu Oskar da 83.



» UNMIT Photo/ Martine Perret

IHA EDISAUN NE'E

- UNMIT komemora hodi marka aniversáriu rai-nakadoko iha Haití
- In Memoriam
- Ain-Tanan nia Mehi
- Bee-hemu ne'ebé seguru iha Covalima
- Sosiedade sivil rekomenda orsamentu resposivu ba jéneru
- Uza rádiu hodi promove deficiente sira-nia direitu
- Planu Estratéjiku Dezenvolvimentu Timor-Leste

In Memoriam



» Violette Kabatesi

Ho laran susar tebes UNMIT anunsia kona-ba falesimentu belundoben no kolega ne'ebé mate tiha ona, Violette Kabatesi, ho tinan 36 hosi Rwanda, ne'ebé mate iha Dili loron 10 fulan Janeiro.

Violette hala'o nia knaar nu'udar Asistente Administrativu iha Unidade HIV/AIDS nian nomós fó apoiu ba iha Unidade Asuntu Sósio-Ekonomia.

Nia serbi tiha ona ba Nasoins Unidas kuaze liu tinan sanulu resin iha funsaun oioin no iha nasaun barak, hanesan inklui Timor-Leste, Lebanon no iha Olanda (*Den Haag*). Nia hetan filafali mandatu iha UNMIT iha fulan-Fevereiru, tinan 2009.

Bee-hemu ne'ebé seguru iha Covalima

Baibain família barak iha Suai maka hemu-bee ne'ebé kuru kedas hosi bee-matan sira ka bee ne'ebé sira taes hosi mota no ne'e maka sira halo hosi hori-uluk kedas. ONG barak ne'ebé servisu iha Suai, haree liu kona-ba oinsá atu halo ema-sira bele iha konxiénsia ba benefisu atu hemu bee ne'ebé seguru no risiko sira saúde nian relasiona ho hemu bee ne'ebé hetan kontaminasaun.

Halibur udan-been hodi nono. Ne'e mak meius oin rua ne'ebé fasil no baratu tebes- mós solusaun ida, bainihira ita ko'alia kona-ba oinsá prevene moras hirak ne'ebé relasaun ho bee, hanesan dia-reia ka kabun moras. Bee rasik iha karakteristiká fisikál oin tolu: nia transparante ka laiha kór, nia laiha sabór ka gustu, nomós la iis. Maske nun'e bainhira bee haree ba moos hela, mós bele hetan kontaminasaun tan organismu hirak ne'ebé ita labele haree ho matan tanan. Solusaun úniku ida ne'ebé ita bele koko para hado'ok an husi moras mak, hatoman an hemu bee ne'ebé nono no sterilisa tiha ona.

Candida Rika, hanesan dona de casa, hosi

Suai Loro, nia hatene tebes katak, bee nono mak dalan di'ak no baratu liu, ba nia família atu konsume. Iha posu bee bomba ida iha nia uma oin, komuni-dade suku laran, mai kuru bee iha nia posu, ne'ebé, nia kaben mak halo. "Mas uituan de'it husi sira mak nono be antes sira hemu," dehan Candida ba Lia-Naroman.



» UNMIT Photo/ Larissa Almeida

Atu hemu bee ne'ebé mak seguru, Amo Violante Soares husi Ordo Jesuita iha Suai, halibur udan-been ne'ebé mak atu hemu tenke nono to nakali, nune'e para hamate mikróbiu sira. Nia mós kria sistema tékniku ida simples ba halibur udan-been. Nia halo bee dalan iha kaku-luk ninin, depois monta pipa zinku ida ne'ebé liga ba tanki rezerba bee nian.

Sosiedade sivil rekomenda orsamentu resposivu ba jéneru



» UNMIT Photo/ Bernardino Soares

Timor-Leste ninia sosiedade sivil suse-su tiha ona hodi lobi Governu atu garante katak orsamentu tomak futuru nian maka tenke resposivu liu ba jéneru. Parlamentu Nasionál deskute hela daudaun Orsamentu Estadu ba tinan 2011.

Nu'udar parte ida Orsamanetu Resposivu ba Jéneru (ORJ) hosi estratejia defesa sosiedade sivil sira, representante ONG sira-nian, hanesan Rede fetu, Fokupers, hala'o hela monitorizasaun ba diskusaun no debate hirak iha Parlamentu Nasionál. Aproveita kada oportunidade hodi halo lobi ba Membru Parlamentu atubele enkoraja sira hodi fó-sai kona-ba inisiativa hirak ne'ebé relasiona ho hakbiit fetu-sira.

Objetivu hosi advokasia ne'e maka atu ba sira ne'ebé halo política bele iha responsabilidade liu no aumenta oportunidade ba fetu-sira hodi hetan asesu ba servisu. Foku prinsipál ba atividade ORJ tinan ida ne'e nian maka atu aumenta orsamentu estadu no gastu ne'ebé dedika tiha ona hodi implementa Lei Kontra Violénsia Doméstika inklui esforsu no habelar fatin-mahon, servisu-sira no facilidade sira seluk.

ONG ne'e ninia advokasi fundamentál maka atu garante katak orsamentu ne'ebé refléta ba programa hirak-ne'e hanesan nesidade spesífika ba fetu no labarik fetu-sira hodi hasa'e imparcialidade jéneru no halais desenvolvimentu. Orsamentu Resposivu ba Jéneru nu'udar instrumentu esensial ida hodi atinje Objetivu Desenvolvimentu Miléniu (ODM) nian – partikularmente ODM 1 (hamenus kiak) OMD 3 (hakbiit fetu-sira) no ODM 5 (saúde maternál).

Fotu Galeria

Planu Estratéjiku Dezenvolvimentu Timor-Leste

Planu Estratéjia Dezenvolvimentu Timor-Leste nian (PED) tinan 2011-2030, hodi haree ba oin sosiedade ida ne'ebé demokrátika no próspera ho alimentasaun, hela-fatin no hatais sira ne'ebé nato'on, ho meiu-ambiente ne'ebé sustentavel.

Prioridade tolu maka hanesan agrikultura, edukasaun no saúde – komponente fundamentál ba hamenus kiak nian no nu'udar elementu prinsipál sira hosi Objetivu Dezenvolvimentu Miléniu nian. Planu asaun anuál sira, iha estrutura tomak PED nian ne'ebé sei lori prosesu ne'e bá oin



» UNMIT Photo/ Martine Perret

Uza rádiu hodi promove deficiente sira-nia direitu



» UNMIT Photo/ Martine Perret

KaKATILOSA nu'udar ONG lokál ida ne'ebé sei hala'o lansamentu ba programa rádiu kona-ba ema deficiente sira-nia

direitu ho ninia programa dahuluk ne'ebé transmiti iha fulan-Fevereiru tinan 2011, ho apoio hosi Seksaun Direitus Umanus no Justisa Tranzisaun UNMIT nian.

Ba dahuluk programa rádiu semanál ho durasaun minutu 30 ne'e sei apresenta kona-ba ema foin-sa'e ne'ebé deficiente, sei fahe sira-ninia esperiénsia kona-ba moris iha Timor-Leste. Programa ne'e sei tatoli liuhosi emissora nasionál RTL – iha banda rádiu 91.7 MHz. Ne'ebé mós sei halo deskusaun kona-ba asuntu hirak ho profesionais rehabilitasaun nian, ho deficiente sira-nia família no parte interesante sira seluk.

Programa ne'e ho ninia objetivu atu hamenus laran-kraik ne'ebé ema deficiente sira hasoru no fó inspirasaun mudansa nian hodi halo tratamentu ne'ebé di'ak liu ba deficiente-sira iha Timor-Leste



Rona Futuru Nabilan

Programa regular radio UNMIT kada Sábado oras 5:30 Lokraik no Domingo oras 6:00 kalam iha RTL no radio komuniidade 15

Haree ba pás

Programa regular TV UNMIT kada semana rua iha Segunda 7:30 kalam iha TVTL

Lee Lia-Naroman

UNMIT regular Boletin

KONTRIBUTOR-SIRA: JENNIFER WARD (FETO UN); MANUEL MESQUITA PEREIRA & LARISSA PEREIRA DE ALMEIDA (UNMIT CPIO SUAI); EKIPA EDUKASAUN NO PROMOSAUN DEREITUS UMANU, (UNMIT HRTJS) **BA INFORMASAUN LIUTAN BELE KONTAKTU AMI LIUHUSI E-MAIL:** UNMIT-MEDIA@UN.ORG **WEBSITE:** WWW.UNMIT.UNMISSIONS.ORG